



COMUN DI UDIN
Servizi Culture e Istruzion
U.Org. Servizis educatîfs



AVÎS INFORMATÎF
AMMISSION AL SERVIZI DI NÎT PE INFANZIE A.E. 2025/26

NÎTS PE INFANZIE DAL COMUN DI UDIN

NÎTS PE INFANZIE DAL COMUN	Etât minime dai fruts che si rive a dâur acet al 1 ^{di} Setembar dal 2025	Fassis di frecuece a disposizion		
		minime	medie	massime
“Cocolâr” – Vie Alba, 27 – Udin	3 mês	07.30 - 13.30	07.30 - 16.00	07.30 - 17.30
“Dire, fare, giocare” – Vie della Roggia, 48 – Udin	3 mês	07.30 - 13.30	07.30 - 16.00	07.30 - 17.30
“Fantasia dei Bimbi” – Vie Diaz, 20 – Udin	3 mês	07.30 - 13.30	07.30 - 16.00	07.30 - 17.30
“Sacheburache” – Vie Baldasseria Media, 21 – Udin	3 mês	07.30 - 13.30	07.30 - 16.00	07.30 - 17.30
NÎTS PE INFANZIE PRIVÂTS CONVENZIONÂTS	Etât minime dai fruts che si rive a dâur acet al 1 ^{di} Setembar dal 2025	Fassis di frecuece a disposizion		
		minime	medie	massime
“Casetta a colori” – Vie Ravis, 19/A - Udin	13 mês	07.30 - 13.30	07.30 - 16.00	//
“Papa Giovanni XXIII” – Vie Cividale, 650 – Udin	13 mês	07.30 - 13.30	07.30 - 16.00	//
“C’era una volta” – Vie delle Scuole, 7 – Udin	3 mês	07.30 - 13.30	07.30 - 16.00	07.30 - 17.30
“Girotondo” – Vie Volturmo, 44 – Udin	3 mês	07.30 - 13.30	07.30 - 16.00	07.30 - 17.30
“Piccoli Principi” – Vie Sabotino, 2 – Udin	3 mês	07.30 - 13.30	07.30 - 16.00	07.30 - 17.30
“Rosa e Azzurro” – Vie Mantova, 13 – Udin	3 mês	07.30 - 13.30	07.30 - 16.00	07.30 - 17.30
“Ghirigoro” – Vie Caprera, 28 – Udin	3 mês	07.30 - 13.30	07.30 - 16.00	07.30 - 17.30
“Ghirigoro” – Vie Lavariano, 4 – Udin	13 mês	07.30 - 13.30	07.30 - 16.00	07.30 - 17.30
“Filippo Renati” – Vie San Valentino, 23/25 – Udin	13 mês	07.30 - 13.30	07.30 - 16.00	07.30 - 17.30

ACÈS AL SERVIZI DI NÎT PE INFANZIE

Si puedin presentâ lis domandis di amission al servizi **dal 1^a di Fevrâr ai 31 di Març dal 2025 cjapâts dentri** dome inte modalitât ONLINE su cheste direzion:

<https://udine.ecivis.it/>

Si àn di vê lis credenziâls SPID (Sisteme Public di Identitât Digjitâl) par acedi al servizi.

FRUTS CHE A ÀN DI NASSI: Si pues domandâ la iscrizion al servizi di nît pe infanzie comunâl ancje pai fruts che a àn ancjemò di nassi se la famee e à un certificât di gravidance cun date dal part previodude dentri dai 31.05.2025.

Par presentâ la domande di amission al servizi, si à di domandâ un apontament telefonic scrivint une email ae direzion: asilinido@comune.udine.it

FRUTS CUN DISABILITÂT CERTIFICATE O IN SITUAZIONI DI FRAGJILITÂT: I gjenitôrs dai minôrs cun disabilitât certificate o in situasions di fragjilitât, a àn di segnalâ, adun cu la presentazion de domande, lis dibisugnis specifichis dal fruts par sodisfâlis e par che al gjoldi dal servizi ad in plen e in maniere regolâr. Par vê prioritât inte assegnazion dai ponts inte graduatorie al covente che la documentazion e sedi stade mandade prime dai 31.03.2025.

I gjenitôrs di minôrs cun disabilitât, inte fase di certificazion al moment de sieradure des iscrizions, a àn di contatâ l'U.O. Servizis pe Prime Infanzie ae direzion email: asilinido@comune.udine.it

FRUTS CHE A FRECUENTIN ZA IL NÎT PE INFANZIE TAL AN EDUCATÎF 2024/25: Nol covente presentâ une gnove domande di iscrizion pai fruts e pes frutis che a frecuentin za i nîts pe infanzie dal Comun di Udin intal a.e. 2024/25 e che par resons di etât a laran indenant a frecuentâlu intal an educatîf 2025/26

INDICAZION DES PREFERENCIS E DES FASSIS ORARIS DI FRECUENCE

Inte domande di amission al servizi, cui che al fâs la domande al à di segnâ **in maniere obbligatorie** :

- 3 o plui nîts che al varès miôr fâ frecuentâ al frut, daûr di un ordin di preference decressent;
- la fass di frecuece sielte tra chês che a son a disposizion intai nîts segnâts tant che preferîts.

ATTENZION:

- La indicazion des preferencis no vincole la Aministrazion. La assegnazion intun dai nîts segnâts intes preferencis e pues jessi rispietade dome se intal moment de amission al servizi il nît che si à sielt al à ancjemò puescj disponibii.

- In cualchi struture di nît pe infanzie i puescj pe nane a podaressin no jessi avonde par contentâ dutis lis domandis di acès ae fasce di frecuece dal dopomisdì (cun jessude aes 16.00). Tal câs che no sedin avonde puescj pe nane, si metaran in vore i criteris di preference daûr dal articul 13 dal Regolament dai Servizis Educatîfs pe Prime Infanzie dal Comun di Udin. La Aministrazion e pues verificâ **ancje vie pal an educatîf** che a sedin mantignudis lis cundizions di acès ae fasce di frecuece intal dopomisdì. Tal câs che si pierdin i recuisîts di acès ae fasce di frecuece dal dopomisdì la Aministrazion, in acuardi cul nît de infanzie, e valutarà se mantignî la fasce orarie di frecuece o se modificâle cu la fasce di frecuece minime (jessude aes 13.00).
- L'acès ae fasce di frecuece massime des 17.30 e je risiervade dome ai utents che i lôr gjenitôrs a àn esigjencis lavorativis o di altre nature documentadis che no permetin a nissun dai doi di stâ daûr dal minôr fin ae fin de fasce orarie. La Aministrazion e pues verificâ **ancje vie pal an educatîf** che a sedin mantignudis lis cundizions di acès ae fasce di frecuece massime. Tal câs che si pierdin i recuisîts di acès ae fasce di frecuece massime, la Aministrazion e modificarà di ufici la fasce di frecuece dal minôr.

DECLARAZIONS FATIS INTE DOMANDE DI ISCRIZION

Si vise che lis declarazions fatis inte domande di amission al servizi a àn di lâ daûr dai articui 46 e 47 dal DPR 445/2000 e, duncje:

- la Aministrazion comunâl e fasarà i controis che a coventin par verificâ che ce che al è stât declarât inte domande al sedi vêr;
- se di chestis verifichis e ves di vignî fûr che il contignût de declarazion nol è vêr, cui che al fâs la domande nol varà plui il benefici de amission al servizi daûr dal articul 75 dal DPR citât parsore;
- l'articul 76 dal DPR soredit al previôt, su la fonde dal codiç penâl, che cui che al fâs declarazions falsis al sedi punibil.

AMMISSION AL SERVIZI

La amission al servizi di nît pe infanzie **e je risiervade**, in vie preferenziâl, ai fruts che a son residents intal Comun di Udin.

Par che il frut o la frute a sedin ametûts al servizi al covente:

- **l'assolviment dai oblics des vacinis** previodudis de normative in vore (D.L. n. 73/2017, convertît in L. n. 119/2017). No si domande aes fameis di presentâ documentazions, parcè che, daûr dal art. 3-bis Leç n. 119/2017, come zontât intal art. 8-ter dal D.L. n. 148/2017, convertît in L. 172/2017, al è il Comun di Udin che al mande ae ASU FC, lis listis dai iscrits pe verifiche dal assolviment dai oblics des vacinis.
- l'esit positîf **de regolaritât dal paiament di dutis lis retis dai agns prime** e di chel in vore, ancje se si riferis a altris minôrs dal nucli familiâr a caric di cui che al fâs la domande o dal gjenitôr/tutôr coobleât.

RETIS DI FRECUENCE

Il servizi di nît pe infanzie **al è un servizi a paiament**. Par zovâsi des agevolazions pes tarifis, l'utent al à di vê une atestazion ISEE in cors di validitât. Pal calcul de rete di frecuece al ven calculât:

- **pai utents che za a frequentin:** dal valôr ISEE che al sarà otignût di ufici cun interrogazion dal Portâl INPS dentri dal an educatîf di riferiment.
- **pai gnûfs utents che a frequentin** dal valôr ISEE che al è stât segnât inte domande di iscrizion. Si fasarà une **modifiche di ufici** se il valôr ISEE dal Portâl INPS al è diferent di chel che al è stât segnât;
- **pai utents che a àn di nassi:** il gjenitôr al varà di mandâ il codiç fiscâl dal minôr e comunicâ che la atestazion ISEE e je stade inzornade.

ABATIMENT DES RETIS: La Region F-VJ e promôf l'acès ai servizis pe prime infanzie increditâts judant lis fameis tal paiament des retis di frecuece dant fûr un benefici economic che al sbasse “de lidris” la rete a caric des fameis.

I tiermins e lis modalitâts di presentazion de domande si puedin viodi sul sît de Region Friûl-Vignesie Julie: <https://www.regione.fvg.it/rafvvg/cms/RAFVG/famiglia-casa/politiche-famiglia/FOGLIA53/>.

CONTATS U.O. SERVIZIS PRIME INFANZIE

Pal supuart inte compilazion de domande o par vê altris informazions si pues contatâ:

Unitât operative Servizis Prime Infanzie

Direzion: Viâl Ungheria, 15 – Udin 33100

Orari di servizi al public: di lunis a vinars des 8.30 aes 12.30 cun apontament - informazions par telefon o email

Telefon: (0432) – 1272 576 – 1272 755 – 428

PEC: protocollo@pec.comune.udine.it - Pueste eletroniche: asilinido@comune.udine.it – Sît WEB: www.comune.udine.it

Firmât in maniere digjitâl

Resp. Un. Org. Servizis Educatîfs

D.re Francesca Gaiotti

(firmât in maniere digjitâl daûr dal D. lgjs 82/2005 e s.m.i.)